

欽定平苗紀畧

五卷



欽定平苗紀畧卷五

閏二月初一日

癸未

福寧劉君輔奏言二月

十七



二日黎明時西北山後逆苗數百人前來撲卡

臣劉君輔及鎮

臣

蘇靈見有賊來立刻帶兵出

卡鎗箭齊發擊殺良久賊匪紛紛逃竄官兵奮

勇追趕十餘里逆苗甲鎗箭死者甚衆又有賊

百餘人從東北山後直前撲卡經署鎮

臣

趙玉

衡帶領官兵從旁要擊殲賊數人始各奔竄現  
在嚴密堵守另圖進取

同日福寧又奏言查鎮筸紅苗種類最繁僻處  
萬山之中地既險峻人更悍頑茲石三保與黔  
苗石柳鄧等勾串滋事屢經盤獲奸細研訊口  
供均稱預先糾約是以數日間同時並起又有  
脅從之衆汎署民村俱被乘虛焚掠臣與提  
臣

聞報後卽調兵赴剿而要隘道路已先爲賊苗  
據住鎮筸一城地雖扼要勢實孤懸臣等屢次

接仗多有殺獲乃竟毫不知畏無日不來撲卡  
而於昏夜必先領兇苗在山梁舉火放鎗暗使  
百十人蛇行而進甫經擊退又復潛來雖已拿  
卡四座不過據險衛城未能進剿至保靖瀘溪

爲永順辰州二府門戶臣前檄調宜昌鎮兵二

欽定平苗紀略 卷五 二  
千名令該鎮張廷彥帶往保靖援剿並令開通  
道路前赴永綏茲據永順協副將慶溥稟報據  
保靖良苗張星畢等具稟窩喇寨苗人張廷仲  
張星奇聚眾不法苗寨多有附合現與兇苗石  
大貴爭衡互相仇殺其巢穴均在高山峻嶺又  
有龍鼻嘴苗人結串焚劫等情看此光景該處  
賊苗亦復不少至瀘溪前後撥往之兵僅及千

名茲據撫臣姜晟知會浦市地方又有四都坪  
苗人前來滋擾商民紛紛逃避查該處爲滇黔  
水陸要道既就近於瀘溪兵內抽撥二百名赴  
彼堵禦瀘溪兵力愈形單薄此現在鎮筵等處  
賊勢之情形也臣與提臣先後到筵遣人密探

道路並聞逆苗自知戕官搶城罪在不赦而自  
戶吳隴登教誘眾苗悖逆尤甚非重兵痛剿不

能惛服臣與提臣所調之兵共一萬三千名內除彼此重複檄調及撥往各處外現在鎮筵守城打仗者共計三千餘名此外未到之兵雖尚有四千餘名然將來分路進剿每得一處必需派撥多兵嚴密堵守然後逐節進取而保靖瀘溪以及鎮筵後路之巖門等處並須添撥臣等再四熟籌約計防守進剿共得兵二萬方可尅

期蕝事現在欽奉

諭旨令福康安於過貴州時挑帶黔省精兵前來剿辦第恐黔省剿捕賊苗亦須兵力未能多帶來楚臣飛咨福康安星速酌定札覆均奏入

上諭軍機大臣曰湖南三廳兩縣腹內之地俱被賊苗滋擾蔓延數百十里跬步皆山若如福寧所奏賊匪忽聚忽散處處需兵堵剿設有賊十數萬豈

欽定平定縣志 卷五 四  
亦調兵十數萬以一兵勦辦一賊賊往何處兵亦  
隨往何處就所奏情形雖十萬之兵尚不敷用有  
是理乎且賊匪滋擾不過在永綏鎮筭一帶百數  
十里之間無難設法圍擒豈因兵力不敷難於勦  
捕聽其蔓延向賊坐守置之不辦乎總之賊匪雖  
分合無常其中必有主謀爲首之人大兵勦辦時  
當擇其屯聚緊要窩巢併力進攻搗穴擒渠則其

餘黨不攻自潰前此石峯堡回匪以及臺灣林爽  
文滋事時始亦紛紛肆擾迨大兵進勦一舉得勝  
後遂迎刃而解勢如破竹並未檄調多兵分投堵  
勦現在湖廣南北兩省已調兵一萬三千餘名四  
川亦調兵四千餘名福康安帶領黔省勁兵數千  
名前來共計約有三萬上下兵力已屬厚集儘敷  
勦捕何得尚以兵少賊多爲詞福寧此奏不但不

知用兵且不免心存畏怯無論福康安久歷戎行必不率爲此奏卽和琳雖任事未久伊具有識見亦斷不肯出此福寧於軍旅之事本未嫻習現卽據稱兵力不敷勦捕若該督遽帶兵深入冒昧輕進設爲賊人邀截稍有踈虞轉屬不成事體朕此時亦不責以辦賊之事但鎮筸地方有福寧劉君輔帶兵在彼駐劄其餘保靖瀘溪等處亦俱派員

帶兵分投堵禦該督惟當董飭地方文武嚴密巡查留心防守務期防護無虞至福康安若專由松桃一路進剿賊匪知大兵在黔勢必糾集齊赴松桃悉力抵禦未免難於得手福康安應察看情形約於何時可以進攻卽先期知會和琳福寧同日進發福康安帶兵自南而北和琳帶兵自西而東福寧帶兵自北而南如此三路會攻使賊彼此不

能兼顧官兵更可乘勝夾攻爲一鼓殲擒之計再  
逆苗等膽敢執旗攻擾焚掠村庄罪大惡極其爲  
首之石柳鄧石三保張廷仲等固屬罪不容誅而  
百戶吳隴登教誘肆逆尤爲可惡斷不可任其漏  
網至被脅入夥之人凡曾隨抗拒者前屢有旨令  
福康安於事竣後再查明照臺灣石峯堡之例辦  
理但目下行軍之際不可不勦撫兼施以爲離散

黨與之計前據馮光熊奏銅仁屬良苗石老三等  
堅守本寨與賊打仗已加恩賞給六品頂戴本日  
又據福寧奏保靖良苗張星畢等將兇苗石大貴  
與張廷仲等互相仇殺情形赴永順協具稟可見  
苗民亦不乏畏法効順之人自當急爲獎勵張星  
畢亦著賞給六品頂戴况賊之不和正官軍之利  
何不乘機用計設法離間招撫此事福寧不能妥

辦福康安當密爲籌畫相機辦理又楚省官兵已調至一萬三千餘名自不便再爲檄調黔省官兵素稱趨健爲綠營之最福康安統領進剿必可得力川省先已派調漢土官兵二千名孫士毅又續調降番六百名穆克登阿前帶兵八百名復添調川北兵六百五十名共計川省之兵已有四千餘名現因黔楚四川三省各行剿捕未經會合是以

兵分見單不日福康安和琳將松桃秀川一帶逆苗剿淨併力全趨楚省兵威已極壯盛屯練降番登陟是其所長於剿賊固屬得力但現已檄調有一千六百名且該處道路相距遙遠一時恐不能卽到著福康安和琳速行酌商如無需添調固屬甚善倘實有需調用土兵之處卽一面奏聞一面飛調應用

欽定平定縣志 卷五  
臣等謹案用兵勝算全在扼吭擣巢賊匪烏  
合爲羣而號召驅使必有渠魁爲之主謀得  
其首逆則腹敗枝披餘黨聞風自潰前此剿  
捕石峯堡及平定臺灣在事諸臣均稟受

睿謨

天戈所揮勢成破竹未嘗檄調多兵逐處防守始爲  
進取之計福寧因賊人聚散無常分兵堵禦

以致兵力單薄不敷剿辦殊未悉行軍竅要  
我

皇上指示諄切昭若發矇迨福康安和琳於松桃秀  
山一帶蕝事時合力併趨楚境掃穴擒渠皆  
中肯綮何莫非得

廟算先幾制勝乎

初二日 甲申 福寧奏言據永順協副將慶溥稟報

窩喇寨苗人張廷仲張星奇聚眾不法苗寨多有附合現與兇苗石大貴爭衡仇殺等情臣以張廷仲石大貴聚眾多人若果合而爲一則其勢愈熾不可不亟爲籌辦密札該副將慶溥知府戴求仁等設法離間張廷仲令其立功自効茲遊擊李光榮稟據保約張星畢具稟貴州叛苗兇勇其勢有串同張廷仲之意同日又據張

星乾報張星奇均在且武汛駐劄李光榮當卽傳訊張廷仲口稱每日與石大貴打仗死的人甚多我聚有萬人原爲堵截貴苗起見並無別有不法如今被他追逼不過我前來表明心跡等語臣查張廷仲糾眾爲逆與黔苗石大貴爭殺相持未下今束手來歸必係爲石大貴所敗是以情急投誠若卽將張廷仲究明辦理百屬

孽由自作但其衆未散尚有伊子及張星奇率  
領在彼一聞張廷仲治罪恐窮無所歸轉與石  
大貴合而爲一將來翦除較爲費手惟有相機  
就計冀收以苗攻苗之效現擬札諭張廷仲以  
爾能率衆堵截石大貴極堪嘉尙今先給爾千  
把總職銜爾可卽寫信爾子並張星奇等率領  
苗人併力堵殺石大貴立有功績卽代爲具奏

聽候

恩旨再此事所關甚重臣又密咨畢沅由常德就近  
赴永順相機妥辦奏入

上諭軍機大臣曰福寧自赴湖南辦理苗匪以來籌  
畫布置均未合宜祇有此事差強人意與昨降  
諭旨相合但張廷仲旣已投出福寧自當示以寬  
大仍行遣回以廣招徠而離黨與轉不必留於永

欽定平苗紀略 卷五 五  
順致啓賊疑乃福寧將張廷仲扣留不放即使將  
伊正法亦祇殺一張廷仲於賊衆毫無所損莫若  
卽行釋放回寨縱或心懷狡詐釋放後又有反覆  
賊苗中亦不過多添一人何足爲輕重况張廷仲  
之子及張星奇擁衆萬人尚未解散設聞張廷仲  
被留竟糾約夥黨前來劫奪又將何以禦之是留  
一張廷仲或恐別生事端而釋令回寨使賊黨萬

餘同心效順以一人而安萬人之反側豈不甚善  
此旨到後著該督等卽行傳諭張廷仲以爾聚集  
苗衆原爲堵截黔苗今被追迫自行投誠之處業  
經代爲奏聞深蒙聖恩嘉獎格外恩施賞給六品  
頂戴緞疋並令爾卽行回寨爾當感激天恩率同  
爾所聚苗衆奮勇剿殺黔苗爾果能實心出力或  
將石柳鄧石大貴擒獻必當格外仰邀恩賞加授

欽定平苗紀略 卷五 三  
官職卽不能擒獲黔苗逆首但能堵殺黔苗卽係爾之功績如此明白宣諭撫以恩信張廷仲自必誠心効力可收以苗攻苗之用卽或不能殺賊而賊黨中少此萬人助惡於事大有裨益

同日

上諭軍機大臣曰永順苗匪張廷仲等聚衆不法現與兇苗石大貴爭衡此係極好機會已有旨諭令

福康安乘機用計撫勦兼行但設法招撫原因現在苗匪處處勾結借此散其黨與且以苗攻苗可以助我兵勢乃一時權宜之計而此等苗衆曾經肆逆究防其中懷叵測現因大軍到彼畏懼乞降及窺見我軍虛實或又反側生心關係甚重將來遇有招撫苗匪俱當加意慎重妥爲安頓卽受降之際不可不妥爲防範其有帶令隨營勦捕者尤

欽定平苗紀畧 卷五 三  
應分置別營密諭帶兵將弁隨時留心以防別滋事端福康安久歷戎行自能籌慮周到恐福寧等見不及此特再遙爲指示

初三日乙酉福康安奏言連日親赴各處高阜山梁察看苗寨甚多若能派兵分路前往焚燒賊寨殲殺賊衆自可先將正大道路開通圍城解散十八日先密差兵役繞路前赴正大營移飭

提鎮於二十日黎明一面嚴守城池一面率領將弁出城迎合臣於十九日三更飭令總兵花

連布等帶領官兵分路直趨正大營臣督兵前

進行至盤塘坳地方已係五更時候又值微雨該處苗寨叢雜乘烟霧稠密之時連拋火彈將苗寨燒燬數處燒斃苗匪多人有乘間逃出之賊亦多殲戮其時天色漸明對山賊匪於山頂

繞旗吶喊鳴鑼吹號四處山凹及正大營一面  
均有賊匪趕來對拒我兵鎗礮並發卽從山旁  
溝路飛攀而上奮力攻打殺斃賊匪百十餘人  
搜獲米糧二千餘石提臣一聞鎗礮聲立卽帶  
兵出城會合城中難民間燒苗寨復得有糧米  
踴躍前來當將所獲米糧立時全行散給卽銅  
仁城內別處逃來難民亦有隨兵前往負糧而

歸者數千難民均各非常稱快當卽詳看情形  
盤塘均地勢最要卽於該處安營分路設卡撥  
兵守禦伏查正大營一城無日不有苗匪數千  
前來圍撲甚有誘施鎗礮偷挖塘水情事雖此  
時業經殺散而旁路小徑賊匪正復不少其松  
桃嗅腦兩處聚匪更多且由正大以至松桃路  
徑尚爲阻隔必須厚集兵力四路堵禦方可一

鼓殲擒再日來盤獲苗匪楊學文等再三嚴訊  
止供石柳鄧係石三保堂弟正月初十日石三  
保到石柳鄧家商議作亂吃雞血酒約會起事  
石柳鄧當卽裝瘋等語而詰以石三保石柳鄧  
現在何處何人指使伊等前來所供總屬支離  
除將口供有需對証暫留數人暫行嚴密看守  
其餘俱卽正法梟示頃據川省綏寧西陽秀山

等處文武稟報秀山近城地方亦有苗匪滋擾  
現在竭力防勦提鎮卽日可來等語查綏寧等

處與黔楚均係接壤臣當卽飛飭川省大小文

武併力進攻約計日期和琳此時可自打箭爐  
進口和琳素來急公勇往自必徑赴川東秀山  
一帶督辦彼處得有實力勦辦之人於事更爲  
有益臣一俟大兵齊集卽刻分路進攻先從松

金定平苗紀畧 卷五 三  
桃嗅腦破圍直進以期迅剿楚蜀逆苗

同日畢沅奏言臣前差人往鎮筵探偵賊情知

乾州失事後鎮城外苗匪時常侵擾自提臣劉

君輔於山後設立土城多用火器攻擊賊人失

勢不能近前又督臣福寧帶兵到筵聲勢漸張

苗匪亦稍斂戢雲貴督臣福康安駐劄銅仁籌

剿松桃苗匪即可乘得勝之兵會同督臣福寧

提臣劉君輔前後夾攻自必擒獲渠魁殄除餘

孽現今襄陽鎮兵二千名第一起已於二十六

日過武昌督撫標兵一千名并南省續調之兵

亦俱接續趕赴軍營閏月初旬俱可全抵鎮筵

伏查瀘溪爲辰州門戶浦市爲沿江大市且爲

轉運糧餉必由之路而督臣福寧等有四面進

兵之議則東路必由瀘溪而入設有阻隔所關

非細現據瀘溪縣知縣黃炳奎稟報該縣城只  
有兵四百名蘇木溪三百名浦市二百名守禦  
甚爲單薄臣已飛札督臣福寧提臣劉君輔撫  
臣姜晟俟所調北省兵三千名過辰時卽截留  
一千名在瀘溪浦市防守且備進剿乾州之用  
其二千名先命速赴鎮城臣再查北省宜昌之  
鶴峯州施南之來鳳等縣向係改土歸流均與

承順接壤日前鎮臣張廷彥所帶之兵卽將施  
南等處防兵帶往以濟急用臣前過襄陽時與

撫臣惠齡面商各該處地方緊要亦不便守備  
空虛卽在宜昌本鎮標兵內抽撥七百名前往  
補足施南協額兵原數并添派兵八百名在鶴  
峯來鳳宣恩等處各隘口設卡嚴防不特有資  
守禦兼可爲保靖後路聲援臣現駐常德爲兩

省扼要重地呼應較靈俟布置詳妥後卽前往  
辰州與撫臣姜晟面商妥辦偵勘確實再回常  
德

同日畢沅又奏言常德一郡爲水陸總會要區  
所需軍營糧餉自應先就南省附近水次各州  
縣存貯常社倉穀令各該屬趕緊碾運茲臣先  
期檄調藩司鄭源璣來常與之面商一切章程

據稱糧餉一項業經撫臣姜晟飭司分派長沙  
常德岳州澧州各屬碾米起運現在隨碾隨運  
倘有不敷臣再檄派北省聯界之荊州等屬協  
濟先行核算兵數之多寡道途之遠近通盤籌  
畫務俾寬爲儲備以裕師行至此等逆苗俱藏  
匿深山邃谷之中非用火攻不能得利是此次  
軍行鎗礮爲第一要件必須儲備充足先期轉

運查硝磺一項本係楚省出產武昌省城向有  
火藥局原應湖北通融協濟臣已飭知各該營  
縣一面將現存火藥先行解用一面飭令武昌  
漢陽二府及臣標中軍暨武昌同知等各製造  
五萬觔鉛丸火繩亦寬爲備辦隨造隨運解送  
來常並札知湖北藩司汪新在漢口地方另備  
硝磺各萬觔亦運至常德交營製配其餘兵行  
需用器械亦俱接續趕辦以備隨時調用再查  
襄陽鎮總兵彭之年年逾七十臨陣督兵終恐  
不能得力所有襄陽鎮總兵員缺請

旨另行

簡放均奏入

上諭軍機大臣曰黔省苗匪與楚省苗匪勾結蔓延  
滋擾梗塞道路今福康安一到銅仁不待兵齊卽

金定平苗紀畧 卷五 三  
帶現在官兵分路進攻立解正大營之圍痛殲賊  
衆將盤塘坳地方苗寨焚燬數處斃賊多名實屬  
快意之至現在大兵雲集松桃嗅腦等一帶道路  
應已開通其要處勦平烏合餘匪自必紛紛四散  
福康安由黔赴楚時和琳勦除秀山賊匪肅清後  
路亦可帶兵前來會合與楚省官兵併力夾攻勢  
成破竹愈盼捷音速至至畢沅所奏籌備糧餉軍

火事宜並偵探賊情調撥兵丁各摺布置妥協諸  
凡用心亦屬可嘉福康安著賞給玉搬指一個大  
荷包一對小荷包四個以昭優獎總兵花連布此  
次打杖殺賊亦爲得力並著加恩賞戴花翎再畢  
沅另片奏稱據署辰州府知府朱紉蘭稟報永順  
苗匪張廷仲與貴州苗匪石大貴仇殺敗逃之後  
爲營員盤獲現在解赴辰州親往嚴訊等語此事

欽定平定回疆方略卷五十三  
與福寧昨奏情形迥異朕思張廷仲係永順苗衆  
爲首之人聚集黨與至萬人之多安能卽行盤獲  
縱使與石大貴仇殺何至一時殲斃殆盡遂至隻  
身逃竄且貴州苗匪石柳鄧等滋事不法張廷仲  
因何亦聚集多人前在保靖滋擾又昨據福寧奏  
張廷仲聚有多人今伊旣已前來伊子及張昂奇  
並伊手下糾聚之人現在何處是否臆同張廷仲

前來屯聚附近地方候信抑係敗逃渙散或俱歸  
附黔苗之處福寧前奏摺內並未詳悉聲明想畢  
沉已接到福寧咨會馳抵該處卽將指出各情節  
逐一跟究據實具奏至此事先係永順協副將慶  
溥稟報福寧進呈札稿內又有前給該副將及知  
府戴求仁札諭字樣始續據遊擊李光榮稟報投  
出是否係慶溥稟報在前抑慶溥李光榮等接到

欽定平苗紀略 卷五  
福寧札諭始行設法招致前奏實不明晰而本日  
畢沅所奏被營員盤獲之語又係接據署知府朱  
紉蘭稟報彼此情形互相歧異若非文武各員彼  
此遮飾邀功將盤獲捏爲招致卽係福寧作爲前  
給札諭預估地步二者必居一於此看來張廷仲  
本係心懷觀望今知福康安統兵進剿聲威壯盛  
又聞正大營解圍殺賊之信黔苗漸已潰散是以

畏懼乞降爲苟全性命之計而該府等及各營員  
攘以爲功或稱盤獲或稱投出均不可定畢沅抵  
辰州卽先行詳查覆奏福康安到楚後亦將以上  
情節覆加確訊詳悉查奏勿任稍有偏倚

同日

上諭內閣曰此次黔楚邊界逆苗滋擾延及四川秀  
山一帶各該省督撫一聞信息前後帶兵馳往該

欽定平苗紀略 卷五  
處會商合勦內惟福寧自抵辰州鎮筭以來籌畫  
布置全未合宜又不能帶兵殺賊毋庸議叙外福  
康安一得苗匪滋擾之信卽馳赴銅仁籌辦一切  
旋赴正大營帶兵督勦痛殲賊匪立解圍城疏通  
道路實堪嘉尚畢沅自抵常德後諸凡用心合宜  
亦屬可嘉和琳自藏回京一入打箭爐於途次得  
黔省苗匪滋事之報卽奏明馳往先後撥派將領

兵丁前赴邊界嚴密堵截所辦亦爲得要姜晟馮  
光熊籌辦軍務事宜秩然有序均屬鎮靜得宜劉  
君輔駐劄鎮筭防護城池殲獲賊匪彭廷棟帶兵  
馳往正大營幫同珠隆阿相機勦賊珠隆阿於攻  
繞之賊率領將弁兵丁奮勇勦殺傷斃賊匪三百  
餘人守住營寨蘇靈一到鎮筭卽日帶兵迎賊搶  
上山梁乘勝勦殺花連布隨同福康安帶領官兵

分路殲擒賊匪均爲奮勇出力福康安畢沅和琳  
姜晟馮光熊劉君輔彭廷棟蘇靈珠隆阿花連布  
俱著交部議叙其在事守城殺賊著有勞績之文  
武各員並著福康安等查明咨部分別議叙以示  
鼓勵

初六日戊子福寧劉君輔奏言二月二十七日寅

刻臣福寧率領署鎮單鎮臣趙玉衡叅將楊治

寧多爾濟札普都司王文選張越守備全德顯  
等帶弁兵五百名自南山梁而西臣劉君輔同

永州鎮臣蘇靈率領叅將佛寧守備何成章劉

瑞等帶弁兵五百名自北山梁而西分途抄殺

賊匪仍暗派兵五百名在後接應行至十餘里

賊苗數百正在山坳造飯臣等指揮官兵上前

擒勦賊卽棄食迎敵官兵鎗箭齊發殲賊十餘

名奪獲鎗鎗數桿賊即紛紛四竄臣等率兵乘勝追趕冀搗賊巢南過山嘴忽見賊苗數千從山後繞出直撲我師勢甚洶湧官兵施放鎗箭奮勇擊殺在後接應之兵亦到兩面夾攻自午至酉鏖戰良久殺賊數十名受傷者不計其數賊始四竄山谷

同日福寧奏言查鎮筸鎮臣明安圖及副將伊

薩納等被賊戕害情節臣親自提訊兵丁林勝

仲據供正月二十一日奉明鎮調赴黑土寨二

十二日早與苗子打仗那時官兵有二三百人

直打至三更時分藥鉛俱已用完即奔往鴉西

永綏協伊副將先已帶兵在彼打仗彼此會齊

就在那裡歇了一夜二十三日早明鎮伊副將

帶領我們要到盤打扣行至補丑地方苗人愈

金定平苗紀略 卷五  
多兵丁漸漸衝散明鎮仍騎馬在山梁上走頭  
上受了鎗傷卽下馬步行我隨背明鎮下坡被  
苗人用鎗戳傷明鎮脊背就身死了我將明鎮  
屍身放在土坎傍邊我哥子林勝貴兄弟林勝  
美都陣亡了其餘跟去的兵被苗子衝殺我不  
知下落伊副將陣亡處離明鎮約兩箭遠是先  
被害的等供臣查明安圖聞黔苗不法帶兵二

三百名前往原不過堵緝之用追聞石三保等  
同時生變復由鎮調兵援應被賊阻截而明安  
圖已身入重地兵少賊多藥鉛用盡致遭戕害  
現在備錄供詞將林勝仲先行解京以備詢問  
其餘未出兵丁是否均係陣亡林勝仲現不能  
指實且恐其言未足深信將來一有續出者卽  
隨時研訊如有兵不顧將以致失事情節斷不

肯稍爲迴護再查鎮筸四官弁內經明安圖帶往及各處汎弁被苗阻截未回者共二十二員均未知實在下落亦俟事竣後隨同福康安詳悉查明分別辦理

同日姜晟奏言查楊國安一犯充當鳳凰廳正百戶已二十餘年上年十二月卽知石柳鄧石三保等與吳隴登父子勾結不法並不到官首

報卽恐有預謀黨惡情事經臣與督臣福寧會

訊雖據該犯及伊子楊清堅供並未從逆並據

楊國安供稱情願將眷屬留禁府城隨同大兵

効力贖罪訊以如何効力之處不能確切供吐

連次研鞫據供鳳凰乾州兩廳各苗寨內馴良

寨長如吳老四廖得兒吳八月廖老黑吳五月

等俱能先爲招撫再轉令傳諭衆苗歸服必多

等語臣思大兵進剿之時軍威壯盛道路號令

嚴明如所指之各寨苗長果係馴良自能輸誠

效順豈待該犯轉相援引核其所供顯係捏詞

支飾妄冀輕減其罪隨派委妥員即日將楊國

安及其子楊清二犯狎解赴京備訊乾州遊擊

陳綸俟調養數日當派員伴送赴京又前據九

谿營遊擊李光榮稟報永順縣屬住居窩喇溪

之張廷仲糾眾萬餘居住蕩竈之石大貴亦糾

眾萬餘彼此日逐打仗謀為不法等情當經臣

與督臣會商密札永順協副將慶溥設法擒捕

茲於二十一日據遊擊李光榮稟報把總任世

泰將張廷仲拿獲等情臣即派委員弁提至辰

郡當即率同司道研鞫據供我因石大貴率領

苗眾攻打窩喇溪我亦聚集親戚相識并乾永

一帶逃難男婦抵禦貴州苗匪並無不法情事到本月十六七日貴苗愈積愈多抵當不住所以情急投出表明等情臣查張廷仲聚集入衆如果爲禦侮起見何以不先呈明地方官今風傳該犯焚掠滋事爲日已多直待不能自存始行投出表明其言不足憑信且據永順府縣稟稱該犯在界內雖無匪逆實據惟四處傳聞該

犯義子已經勾通逆苗在乾州瀘溪一帶焚搶是該犯聚衆是否謀逆之處必須再爲質訊適准督臣福寧咨會以張廷仲一犯旣與石大貴爭衡正可相機就計令其寄信伊子弟等率衆堵殺石大貴冀收以苗攻苗之效臣細思亦一辦法隨復提該犯以好言察探據稱情願奮力勦殺貴苗將石大貴搶獲訛以所聚多人現在

何處據供在旦武營附近之唐家坡未散督臣

福寧已飛行密谷畢沅前詣永順相機妥辦日

內應卽先經辰郡一俟畢沅到辰卽與密商辦

理臣因浦市上游之四都坪先經苗匪焚掠又

復來屯聚浦市商民惶惑該處係辰郡西南要

道亦在瀘溪之南瀘邑駐兵千餘名隨派都司

胡定泰撥兵二百名移駐浦口以資守禦近日

瀘溪浦市保靖等處俱較寧靜惟據九谿營遊

擊李光榮把總任世泰等稟報永順所屬之旦

武營近有苗匪滋擾該遊擊等奮力殺退而賊

匪聚散無常復於相距古丈坪五里之熟切地

方肆行擾害請兵援應臣當於辰郡存城兵內

派撥一百名委令把總黃略帶往草塘要隘援

應堵殺一面飛飭永順協副將慶溥先往剿捕

并咨宜昌鎮張廷彥就近於帶兵過永時分撥  
數百名以爲後應均奏入

上諭軍機大臣曰福寧等此次分路剿殺苗匪雖不  
能大殲賊衆究竟差強人意但該督等此次共帶  
兵一千五百名殺賊止數十名爲數甚少筭來幾  
及官兵百名殺賊一名足見無能豈尚能謂之奮  
勇朕披閱及此代伊等羞慚不知該督等亦自知

愧否况官兵與賊接仗旣經擊退賊匪自應乘勝  
追趕相機擒捕乃仍復撤回耽延時日豈不貽賊  
笑乎看此情形是湖南一路難望其直前進取惟  
待福康安之至方可大捷昨據福康安奏馳抵銅  
仁後督兵進剿正大營圍聚賊匪已經解散福康  
安自卽赴松桃將該處苗衆悉力殲除肅清道路  
帶兵至楚督勦計算和琳目下亦抵秀山將闌入

金定平苗紀略 卷五  
川境苗匪剽殺淨盡帶兵進剿聲威壯盛苗匪自必望風膽落竄回巢穴彼時福寧等在鎮筇一帶同時進發協力幫剿三面圍攻福寧在彼卽不能獨自帶兵進攻豈賊匪奔逃時亦不能堵截策應痛加殲戮耶又福寧所奏明安圖被賊戕害固由冒昧輕進但所帶兵丁爲數不少何至不能抵禦如果因賊勢較衆止於兵無紀律尙能與賊打仗

被賊衝散自屬可原倘竟係兵不顧將一見賊至卽紛紛潰去致鎮將爲賊所戕此等臨陣逃散之兵若不查明嚴辦何以肅軍律而儆將來著福康安於到彼時分晰查辦至林勝仲於明安圖受傷後背下山坡其兄弟又俱陣亡尙屬可憫前令將兵丁送京原不過預備詢問賊匪情形也再前據福寧奏鎮筇鎮城四面環山形如釜底牆身卑矮

欽定平苗紀略 卷五  
山後均係苗寨登高瞭望合城皆見等語鎮城爲苗疆重鎮從前建城時自必擇形勢扼要之地何至地勢低窪若此使苗民得以登高俯視所奏恐不足信著福康安等於事竣後親加查看據實奏聞該處地方苗寨甚多未必盡皆附賊勢難將各寨全行拆毀若以該處逼近苗寨城形窄小不足以壯觀瞻而資捍衛或就近建城垣量加展寬將

附近高阜地方半圍城中或於鎮城酌添兵丁其山上要隘處所酌添營汛藉資控制並著福康安等一併入於善後章程內酌議具奏

初七日<sub>己丑</sub>姜晟奏言查楚省苗匪情形永綏一

廳被圍月餘勢最急迫必須先解其圍本日據永順協副將慶溥申報永綏協中軍都司吳開泰稟稱現同經歷堅守孤城城中官兵僅止二

金定五前紀略 卷五  
百餘名糧草欠缺萬難緩待應星夜帶兵趕緊  
前來應援等因閱之不勝焦急惟是辰州存城  
兵丁現止四百餘名斷難分撥且花園一帶道  
路未通卽糧草亦難運往臣查北省襄陽宜昌  
及督撫兩標兵丁共四千名均係督臣續行調  
派是以入境稍遲今據報俱已起程約計出月  
初旬可以到齊其宜昌鎮兵二千名原派令鎮

臣張廷彥帶赴永順保靖等處相機辦理茲已  
陸續經過永順臣因永順屬之且武營古丈坪  
現有苗匪焚掠業經飛咨該鎮卽帶兵丁火藥  
從永順屬古丈坪等處勦殺再從保靖克復花  
園汛以清後路而達永綏便可會合鎮城之師  
以復乾州惟瀘溪上至乾州一百二十里沿溪  
傍麓路徑較爲險仄亦必要隘分岐苗寨環列

臣前訊楊國安所供其中苗衆良暴不一自當  
勦撫兼施誅暴以安良并用良以誅暴至辰郡  
居下游總路敗北賊苗分投奔竄則截拿勦殺  
全資兵力至瀘溪兵數過單辰郡守禦之兵正  
未敷用九溪營遊擊李光榮等所獲苗匪張廷  
仲經督臣福寧奏明業自常德起身一二日內  
可到辰沅當會商札致福寧妥爲計議

同日劉君輔奏言查永綏一帶山徑叢雜苗人  
巢穴聚集皆係山險要隘且有貴州逆苗糾合  
各寨苗人人境滋擾現在兵力單薄勢難深入  
必須厚集重兵連絡安營勦平一寨移營進取  
由漸而入方獲全功今所調官兵多未取齊若  
遽爾輕進賊人窺伺鎮城已非一日勢必重聚  
匪徒抄截其後臣斷不敢稍有造次自懼重愆

欽定平苗紀略 卷五  
昨於十八日督臣福寧已抵鎮城賞賚勸諭軍民無不踴躍爭先現於城外緊要山梁均已安立土卡日與督臣福寧籌酌一面乘機撲滅附近苗寨一面飛催兵齊俟兵力厚集卽拔寨進攻痛加搜洗均奏入

上諭軍機大臣曰永綏廳被賊匪圍擾日久張廷彥所帶宜昌鎮兵二千名此時計已早到保靖該鎮

務宜上緊勦殺將古丈坪及花園汛一帶苗匪掃除淨盡速赴永綏廳應援與吳開泰會合勦捕亟解圍城此卽該鎮之功不可不加倍奮勉也至劉君輔因恐賊人窺伺鎮筸城池抄截後路不敢造次輕進所慮亦是目下鎮筸左近賊尚未散若該提督冒昧前進設有疎虞轉屬不成事體亦祇可將附近苗寨先行撲滅再俟兵力取齊由漸而入

至福康安前奏督兵進剿殲殺苗匪多人正大之  
圍立解迄今未據續奏盼望甚為殷切想福康安  
布置一切稍耽時日然亦不可再遲朕為此事宵  
旰縷懷諒福康安自必仰體朕意熟籌妥辦迅奏

捷音



